



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm V. Ne innitaris.

---

[urn:nbn:de:hbz:466:1-62559](#)

tem prohibetur malum; Imò omnia mala legibus vetantur. Id verò inde probatur: Si enim lex prohibet originem, ac veluti radicem omnis mali, sequitur quod prohibeat omne malum: Atqui lex prohibet concupiscentiam, seu cupiditatem, quæ origo est ac veluti radix omnis mali, testante Apostolo ep. i. ad Timoth. c. 6. v. 10. *Radix enim omnium malorum est cupiditas.*

Disputant hic Canonistæ, utrum leges humanæ obligent sub peccato. *Respons. est affirmativa, cum S. Th. I. 2. q. 96. a. 4. & constat ex definitione legis, quam tradidi lib. I. Th. mor. tr. 4. c. 14.* Quod sit recta ratio aegendorum, à publica potestate Communitati denunciata, cum voluntate eam perpetuo obligandi. Ex quo ita argumentari licet: Omnis propriè dicta lex iustum ac rationabile quoddam magistratus præceptum est, Communitat, seu multitudini hominum subiectorum, datum: Præceptum autem quodlibet magistratus, si iustum est, in conscientia obligat subditos ad obediendum, teste S. Paulo Apostolo ad Rom. c. 13. y. 1. & seqq. Ergo &c. Exinde colligitur, quod regulæ & ordinationes quarundam Religionum per se non obligantes sub peccato, non sunt propriè leges, sed monita quædam: Habent tamen similitudinem quandam legum; partim quia ab habentibus publicam potestatē, propter publicum bonum, ad subditos latæ sunt; partim quia & ipsæ plerumque continent obligati onem aliquam, videlicet pœnæ acceptandæ, si eatum transgressoribus per Superioris præceptum imponantur. Cuiusmodi leges merè pœnales, id est, non sub culpa, sed ad pœnam duantur, si Superioris præcepto imponatur, sustinendam, multas etiam in civili Repub. esse, negari nō potest. Quænam autem ex sint, ex materia, fine, modo ferendi, aliisque circumstantiis cognosci posse, dixi Theol. mor. lib. I. tr. 4. cap. 15.

Dixi autem supra: *Quarundam Religionum regulas (quatenus ex non circa votorum observationem versantur) per se nō obligare sub peccato, v.g. Dominicanorū, Societatis nostræ. Sed neque in aliis Religionibus, v.g. Minorum de Observantia, omnia*

quæ in regula continetur, sub culpe reatu præcepta esse, tradidit Eman. Rodriq. regular. qq. q. 50. a. 1. Abbas h̄c n. 2. & 3. Quare, quænam regulæ earundem Religionum sub peccato, mortali aut veniali obligent, & quæ non ita obligent, partim ex materia, fine, & verbis regulæ colligi debet; partim ex Maiorum traditione, consuetudine, & piorum hominum sensu ac persuasione. Vide etiam quæ docui Theol. mor. lib. 4. tr. 5. cap. 9.

## CAPITVLVM V. Ne innitaris.

### S V M M A R I V M .

*Sacri canones à Patribus accepti, relicto proprio sensu, obseruari debent.*

**S**VMPtum est hoc c. ex Gl. ordinaria cap. 3. Proerb. quæ explicans verba Salomonis cit. cap. v. 5. *Ne innitaris prudensia tua subiecit; Prudentia sua innititur, qui ei quæ sibi agenda, vel dicenda, videntur, Patrum decretis proponit.* Hęc autem idēo à Gregorio IX. Pontifice allata sunt, vt iterum commendaret sacrorum canonum statuta, quæ à Patribus per Ecclesię traditione accepta, posthabito proprio sensu, Christianis omnibus obseruanda sunt, iuxta quæ suprà dixi cap. I. hoc tit.

## CAPITVLVM VI. Cùm omnes.

### P A R A P H R A S I S .

Canonici Ecclesiæ Trecensis statutum fecerunt, vt ipſi quidem, sicuti haec tenus in ecclesia illa consuetudo obtinuit, reditus percipient etiam in absentia, siue nō residentes: at verò deinceps qui institueretur Canonici, reditus non acciperent, nisi residerent. Statuerunt etiā, vt vineæ, quæ haec tenus singulis Canonorum præbendis annexæ erant, suis quidem, dum viuerent, annexæ manerent; sin autem vitâ decederent, vineæ ad Successoros, seu nouos Canonicos non transirent, sed earum reditus inter Canonicos omnes diuiderentur.

Vtrumq;